

ՎԵՀԱՓԱՌԻ ԿԱԹՈՒՂԻԿՈՍԻ ՀԱՍՏԱՏՈՒԹԵԱՆ ԱՌԹԻԻ

Վերջապէս երկար մտատանջութիւններ, կասկածներ և անհանգիստ օրեր անցնելուց յետոյ, այսօր մեր կրօնքին ծանրացած քարը զլորուեցաւ, և մենք կարողենք ազատ շունչ քաշել: Հայաստանեայց սգաւոր եկեղեցին այսօր ունենում է իր արժանաւոր Պետը, ս. Գրիգոր Լուսաւորչի թափուր Գահը՝ իր ընտրեալագոյն Գահակալը:

Տէր Մատթէոս Բ. Կաթողիկոսը կարճ ժամանակից յետոյ կ'առանձնի եկեղեցական ազգային գործերի ղեկը և հէնց առաջին իսկ օրից նա պէտք է ամենուրեւն լարուածութեամբ աշխատի վերականգնել այն, ինչ որ տաանեակ տարիների ընթացքում՝ զարտուղի ճանապարհերով գնալով խախտուել, քայքայուել, կործանուել է, ինչ որ եկար տարիների ընթացքում՝ կարող կ'ամբի, հզօր վճռականութեան բացակայութեան շնորհիւ դարձել է քաօս:

Եկեղեցուն կից հոգևոր և գալոցական հաստատութիւնները անզեկ նաւի նման տարուբերուելով կեանքի յեղյեղուկ կոհակների մէջ, կորցրած իրանց իսկական սեղին, թափառում են անեղր ծովի վրա և անկարող լինում հասնել իրանց նպատակին:

Ո՛չ մի Կաթողիկոս կանգնած չի եղել այնպիսի առեղծուածների առաջ, ինչպիսիք այսօր երևան են եկել և որոնք հրամայական պահանջով լուծումն ու բացատրութիւն են սպասում: Ո՛չ մի ժամանակ մտքերի, հասկացողութեան, սեղողութիւնների այնպիսի սուր բախումներ չեն եղել, որպիսիք ներկայումս յյուսած են մեր առաջ և կ'օնական Պետից, ս. Էջմիածնի Գահակալից, որ զեկամար, կառավարիչ ու պատասխանատու աճնէ, սպասում են բաւարարութեան:

Ո՛րքան հեռատեսութիւն, որքան աչալրջութիւն, ի՜նչ անխոնջ աշխատանք ու պարապմունք է պէտք և որպիսի մեծ հաստատակամութիւն ու վճռականութիւն է պէտք, որպէսզի նոր գահ բարձրացած Հովուապետը առանց տա-

բութերութիւն այս կամ այն հասկացողութիւնների և ուղղութիւնների լարիրինթոսում, կարողանայ ընտրել գործունէութեան իսկական ուղին և հարկադրել բոլորին գնալ այդ ուղղիով և որոշ կաղապարի մէջ մտնել, որով միայն հնարաւոր է բարեկարգութիւն և կարգաւորումն:

Եւ նորին Վեհափառութեան ընտրողները իրենց քւէն տալու ժամանակ հաւատում էին, որ նա է միակ անձը, որ իր անբիծ պաշտօնավարութեամբ, անկեղծ հաստատակամութեամբ կարող պիտի լինի ազգի և եկեղեցու բաղձանքները կատարել: Եւ այս լի հաւատով անձկանօր սպասում ենք նորնտիր Հայրապետի գահակալութեան և վարչութեան ղեկը իր ձեռքն առնելուն:

Սակաւ իշխանաւորը միակ ոչինչ չի կարող անել, եթէ չունի անկեղծ գործին նուիրուած պաշտօնեաներ: Մեքենայի ուժը ուրբան և զօրաւոր լինի, չի կարող օգտակար գործառնութիւն ունենալ, թե՛ նա միացած է մի գործիքի, որի անունները ջարդուած են կամ պակասաւոր: Ամեն մի գեղեցիկ մտածմունք կմնայ իբրեւ ծրագիր, եթէ կեանքի մէջ գործադրող ձեռքեր չկան:

Անհրաժեշտ է հոգեւորական և աշխարհական բոլոր գործի մարդիկ իրանց ուժը, եռանդը, պատրաստակամութիւնը գնեն Կաթողիկոսի տրամադրութեան տակ և հետո անձնական ետական ձգտումներից ընդհանուր բարեկեցութեան համար միախմբուեն և հասարակական բազմաթիւ ցաւերին դարձան անեն: Այսպիսով միայն նորընտիր Կաթողիկոսը կարող է իբրեւ ղեկավարող ուժ ցանկալի ընթացքի մէջ գնել հասարակական գործերը:

